

სასაქონლო გეოგრაფია



საქართველოს ეროვნულ-დემოკრატიული პარტიის ორგანო.

რედაქტორი: სპ. კედია. წელიწადი მესამე. № 5 მაისი, 1934 წ.

La Sentinelle de Géorgie

ORGANE DU PARTI NATIONAL-DEMOCRATE GEORGIEN

Directeur: Sp. KEDIA. 3^e ANNEE. MAI 1934. PARIS

26 მაისი გარეგნულად და ნამდვილი

მაისი ერთი იშვიათი თვეთაგანია საქართველოს ისტორიაში; თვე უცხოთა უღლიდან თავის დაღწევის, თვე საქართველოს საერთაშორისო პიროვნების სრული აღდგენისა.

ქართული სუვერენობა ქართველთა მოდგმის თუ არა მთელ ისტორიულ მიწა-წყალზე, მის სამ მეოთხედზე მაინც — აი რა არის, ობიექტიურად აღებული, 1918 წლის 26 მაისი.

ამგვარ მოვლენაზე უდიდესი მოვლენა ერის ცხოვრებაში სხვა არაფერია. კერძოდ საქართველოს ისტორია უფრო ბრძოლას წარმოადგენს ამ მიზნის მისაღწევად, ვიდრე ამ მიღწეული მიზნის განმტკიცებულ სინამდვილეს, მის ფრთა-გაშლილ თავისუფალ შემოქმედობას. ეს განსაკუთრებული, წმინდა ქართული გარემოება სუბიექტიურად დაუსრულებელი ამრავალკეცებს ამ მოვლენის თავისთავურ სიდიადეს.

ასეთია მაისის თვე ობიექტიურად ისტორიის კუთვნილობაში განივითერებული. მომავალი თაობები თავიანთი აივნების სიმალლიდან მას დააფასებენ, როგორც ეროვნული სულის კიდევ ერთი ბრწყინვალე გამარჯვების თვეს...

მაგრამ ჩვენ! ჩვენ ვინც პატრიოტულ სირცხვილში ვიწოდით, როცა მომენტის ბატონი თაობა უარყოფდა საქართველოს თავისუფლებას და ებრძოდა მის დამყარებას მაისამდე და მაისის თვეშიაც თვით 26 რიცხვამდე; ჩვენ, ვინც საკუთარი თვალთ ვინილეთ საქართველოს დამოუკიდებლობის წინააღმდეგ აშვერილი თითი, თითი იმ ადამიანისა, რომელიც 26 მაისის მეორე დღეს, ვაი სირცხვილო, საქართველოს წინამძღოლად (!) გამოგვეცხადა; ჩვენ, ვინც მოწამენ ვიყავით, თუ როგორ გვარცხვენდა უცხო ქვეყანა, რომ დადგმულ რუსის უღელს კისერზე საკუთარს ხელით ვიმაგრებდით და გვაძალბდა დამოუკიდებლობის გამოცხადებას; ჩვენ, ვინც მოვისმინეთ

საქვეყნო სირცხვილის აქტი, რომელსაც „საქართველოს დამოუკიდებლობის აქტი“ ჰქვია; ჩვენ, ვისაც სამშობლო მართლის გულით გვიყვარს და მის თავისუფლებას ცხოვრების იდეალად ვისახავთ, — ჩვენ ვცვირით, რაც ძალი და ღონე გვაქვს, საუკუნეთა გადაღმა, მომავალ თაობათა გასაგონად: — „თქვენ სცდებით დაფასებაში!“

ეს მაისი არ არის საქართველოს საზოდან გამოსული, მისი ეროვნული ცნობიერების მიღწევა, მისი ნებისყოფის შედეგი, ან მისი ბრძოლის ნაყოფი. ის გარედან მოვიდა, როგორც იძულება; შემოიჭრა, როგორც მტერი და დაიჭირა ეროვნული შეგნების დაცლიერებული ბინები! ჩვენ პირიქით, ვებრძოდით მას, ვებრძოდით ყოველნაირად: კალმით, სიტყვით, გაფიცვით, კერძოდ, ორგანიზაციულად, თოფით, უთოფოდ... მაგრამ დავმარცხდით. ჩვენ დაპყრობილები ვიყავით და არა გამარჯვებულები. ჩვენ გვრცხვენთან ამ სიმართლისა თქვენს წინაშე და ვიტანჯებით. ეს ჩვენი ტრადედიციაა.

ამ მაისმა მხოლოდ ორჯელ იმას და მესამე წელს თებერვალი გავვითენა, შავი კატასტროფის თვე, რომელშიაც ჩაინთქა დამოუკიდებლობის დიდი მოჩვენება...

დღეს საქართველო კვლავ მტრის ხელშია, მაგრამ არა ძაბუნად, არამედ ვაჟკაცურად. დღეს ის სხვაა, ვიდრე იმ მაისში იყო. დღეს მას ეროვნული ღმერთი სწამს და იბრძვის მისი მალალი შთაგონებით...

1918 წლის სირცხვილით დატვირთული თაობა იმედს ისახავს, რომ იგი თავის თვალთ იხილავს ქართველი ერის მიერ შეგნებული ნებისყოფით, ბრძოლითა და თავგანწირვით მტრის ხელთაგან გამოგლეჯილ თავისუფლების წმიდა დროშას... ეს იქნება ჩვენი რევანში 1918 წლის მდგომარეობის ბატონ ხალხზე, საქართველოს უკვდავი იდეის ნამდვილი ზეიმი! და მომავალი თაობანი არ მოსტყუდებიან, თუ ამ ფაქტში ამოიკითხავენ ქართული სულის მანდილ გამარჯვებას.

ეროვნული ერთობისაკენ

ემიგრანტობის მეცამეტე წლის თავზე ჩვენშორის ერთობა ჯერ კიდევ განხორციელებული არ არის. რაც პირველ დღიდან უნდა არსებულიყო, როგორც ეროვნული ბრძოლის რეალური საფუძველი, ის ჯერ კიდევ საოცნებო საგანია. რად არის ასე? ხომ ყველანი ერთმა მიზეზმა გადმოგვყარა სამშობლოდან, ხომ ყველას ერთი და იგივე მიზანი გვაქვს, ერთი სურვილი და ოცნება გვასულდგმულებს? მაშ რად არის რომ დღემდე თავი ერთად ვერ მოგვიყრია ამ საყოველთაო მიზნის გარშემო, რომ საერთო მტრის პირისპირ დღემდე ვერ გამოვსულვართ, როგორც ერთი მებრძოლი ორგანიზმი, ერთი მეთაურობის მიმყოფი და მისი ნებისყოფის ამსრულებელი? ან რა საბუთი გვაქვს ვიფიქროთ, რომ ხვალ ერთბაშად ხორცს შეისხამს ის, რაც დღემდე მიუღწეველი იყო? და თუ არც ხვალაა მოსალოდნელი ქართველთა საყოველთაო გაერთიანება — ეს თავი და თავი პირობა საბოლოო მიზნის მიღწევისა — მაშ უამისოდ

რა უნდა ვქნათ, ან ვინ როგორ უნდა მოიქცეს? მაინც და მაინც მტერს ხომ უნდა მტრობა გავუწიოთ და სამშობლოს სამსახური?..

ცამეტი წელიწადი არ არი მოკლე მანძილი, განსაკუთრებით თუ ეს დიდ საქვეყნო უბედურებათა შორის მიმდინარეობს. მართალი უნდა ითქვას, ამ წლებს უქმად არ ჩაუვლია. ბევრი რამ ვნახეთ და გამოვიარეთ კერძო-კერძოდ, როგორც პიროვნებებმა და კოლექტიურადაც, როგორც ერმა. ბევრი რამ ახალი ვისწავლეთ და ზოგი რამ ძველიც დავივიწყეთ. მაგრამ რაც უმთავრესია, იმას მაინც ვერ მივალწიეთ. ემიგრაციის დაქსაქსულობა გრძელდება გარეშე და წინააღმდეგ ყოველგვარი ეროვნული ინტერესისა და მოთხოვნებისა. ერთობა, პირველ დღიდან ამოცანად გადმოცემული, ამოცანადვე რჩება დღესაც. ამ ამოცანის წინაშე უძლური აღმოჩნდა მძიმედ დატვირთული ცამეტი წლის ემიგრანტი. ცხო-

ვრება; მასთან აგრეთვე ვერაფერს ვახდამიზანიც, რომელიც უთუოდ ყველას ერთი გვაქვს, ვერც იმის შეგნება, რომ საერთო მტერს საერთო ძალით უნდა შეტევა.

ეს იმას ამტკიცებს, რომ ამ ერთობის საკითხი არა ძვეს კერძო პიროვნებათა აწმყო ნება-სურვილის სამყაროში, თორემ ის დღემდე დადებითად გადაიჭრებოდა. ჩვენ საქმე გვაქვს კოლექტიურ პროცესთან, რომლის მიმდინარეობას საზღვრავს და განაგებს ორი ობიექტიური მოპირდაპირე ძალის ურთიერთობა. ენერგიულ ჩარევასთან ერთად საჭიროა დრო და მოთმინება, რომ ამ პროცესში საბოლოოდ იმ ძალამ გაიმარჯვოს, რომელსაც თან მოაქვს სრული ეროვნული ერთობის განმახორციელებელი ნებისყოფა.

ეს პროცესი ის დიდი ბრძოლაა, რომელიც სწარმოებს საქართველოს წიაღსა შინა ეროვნულ და ანტიეროვნულ დასაბამთა შორის, ქართულ ნაციონალიზმსა და მარქსიზმ შორის, ამ უკანასკნელი ორმოცი წლის სიგრძეზე. მარქსიზმი ამ ბრძოლაში მარტო არ იყო. მას მოკავშირე ჰყავდა ყველა ანტიქართული ძალები რუსეთის იმპერიისა: რუსული და არა-რუსული. ამ ბრძოლაში კოალიცია პირველთაგან ძლიერ მხარეს წარმოადგენდა და მისი პროგრამაც — საქართველოს გაჩანაგება — ცხოვრებაში სისწორით ტარდებოდა. კოალიციის სწრაფი გაძლიერება დაიწყო 1917 წელს და თავის უმძლავრეს წერტილს საქართველოს დამოუკიდებლობის წლებში მიაღწია — მარქსიზმი მაშინ თვითმპყრობელურად დაეუფლა ქართველ ხალხს და ქართულ სახელმწიფოს.

1921 წელს, საქართველოს დამოუკიდებლობის დაღუპვასთან ერთად დაიწყო შებრუნებული პროცესი: მენშევიზმ-მარქსიზმის შეუჩერებელი დეკადანსი და ქართული ნაციონალიზმის პროგრესული აღმატება. ეროვნული შეგნება, ინტერესი და ნებისყოფა დაეპატრონა ქართველის პსიხოლოგიას. დამარცხებული მენშევიზმ-მარქსიზმი პოზიციას პოზიციასზე სთმობს, მაგრამ მხოლოდ მწარე ბრძოლებისა და დიდი ზარალის მოყენების შემდეგ. მენშევიკური მეთაურობა, რომელიც ქართველ ხალხს მექანიკურად შერჩა, ოკუპანტების წინააღმდეგ ბრძოლის პროცესში, არც თავის ანტიეროვნულ ბუნებას გამოსთხოვებია და არც თავისი გეგმონიის შენარჩუნების განზრახვებს. მთელი ამ წლების განმავლობაში მის მიმდინარე ბრძოლა მენშევიკურ ბრძოლად გაესაღებინა, ისე როგორც ბოლშევიკები ქართველი ერის წინააღმდეგ მიმართულ ბრძოლას ეძახდნენ ბრძოლას მენშევიკების წინააღმდეგ. შეპყრობილი მარქსიზმის ღოგმებით, ეს მეთაურობა თავის არსებაში დღესაც ძველ მძულვარებას ატარებს ეროვნული იდეოლოგიის მიმართ და საშუალების განურჩევლად ებრძვის როგორც მის გაბატონებას, ისე ნამდვილი ეროვნული მეთაურობის ჩასახვას. ვაჩენილი ერის საფუძვლების ასაყრელად და ერთმანეთში შურის და მტრობის დასათესად, იგი ბრწყინვალედ ასრულებს თავის დანიშნულებას. მას ერის ფარგლებში, ზავი და მთლიანობა კი არ უნდა, არამედ დაშლა და ბატონობა.

ამიტომ გასაგებია, რომ ქართულ ნაციონალიზმსა და მარქსიზმ შორის სიკვდილ-სიკოცხლის ბრძოლა მიმდინარეობს. ეს ბრძოლა, ერის სხეულში აღძრული, თავის ლოკურ დასკვნამდე უნდა მივიდეს. და ეს მით უმეტეს, რომ თვით განწირული და მომაკვდავი მებრძოლი მხარე ჯიუტობს, იარაღს ხელიდან არ უშვებს, გამარჯვებულ მოპირდაპირეს ცოცხლად არ ნებდება და უიმედო ბრძოლას განაგრძობს. უნდა რომ უკანასკნელ სულის დაღვრამდე, თავის მიზანს ემსახურებოდეს. აქედან წარმოსდგება ორგანიზული შეუძლებლობა სრული ეროვნული ერთობის მიღწევისა დღევანდელს პერიოდში. ამგვარად, მარქსიზმი და მარქსისტული მეთაურობა, ქართული ნაციონალიზმის ზღვით გარშემორტყმული, ხელს უშლის, რამდენადაც იგი ჯერ კიდევ დაუმარხავი მიცვალებულია, საერთოდ ქართველობისა და კერძოდ ემიგრაციის ეროვნულ სიმთელეს. მაგრამ მიცვალებული ერთ დღეს მიწას მიებარება; ამით დასრულდება გრძელი და დრამატული ბრძოლა ქართულ და ანტიქართულ ძალთა შორის. ქართველობის სულიერ სამყაროს მაშინ მთლიანად დაეპატრონება ქართული ტრადიციული ნაციონალიზმი და მისი სალი შემოქმედი ბუნება. დაიწყება ახალი ეპოქა. მთელი ერი როგორც ერთი კაცი დაიარაზდება მოვლენილი ღირსეული მათაურის ქვეშ. საქართველოს გამარჯვების სუბიექტიური მასალა ამგვარად სავსებით უზრუნველყოფილ გვექნება.

მაგრამ მანამდე? მანამდე კი და-თვით ამ მომენტის მოსახლოვებლად საჭიროა ეხლავე მოგვარება და გამაგრება ყველა იმ პოზიციისა, რომელიც ამ ჩვიდმეტი წლის სულ გამარჯვებათა პოლიტიკური აღნუსბრძოლის განმავლობაში, ნაციონალიზმის ხელში გადმოვიდა. აუცილებელია ამ წარხვა, მათი სისტემატიზაცია და თავმოყრა, მათი ღირებულების ეროვნული განვითარება. თორემ უქმად გდებისაგან ხუნდება მნიშვნელობა ამ აუარებელ სხვერპლის ფასად მოპოებულ გამარჯვებათა და უმიზნო ხდება მათთვის ბრძოლა და სხვერპლის გაღება! ხოლო ამ საქმეში პირველი და უკანასკნელი სიტყვა იმათ ეკუთვნის, ვინც საქართველოს ისტორიის დღევანდელ ნაწყვეტზე მთლიანად ქართული ნაციონალიზმის რჯულს შეუდგა, ვინც ეროვნულ ინტერესის უპირველესობა იწამა და შეითვისა. ასეთები კი დღეს ბევრნი არიან, ერთობ ბევრნი, როგორც ორგანიზაციებში, ისე მათ გარეშე. მაშ რატომ საქმეს არ იწყებენ და რას უცდიან ეს პატრიოტული წრეები, პარტიული თუ უპარტიონი?

რატომ ვერ ახერხებენ გაერთიანებას, ერთი დიდი ეროვნული მოძრაობის წამოწყებას, ერთი მეთაურობის შექმნას? რა უშლის ხელს იმათ მაინც, ვისთვის ეროვნული მომენტი უფრო მეტს ნიშნავს, ვიდრე პოლიტიკური, ან სოციალური? რა ანგარიშები ის ანგარიშები, დღემდე რომ ამის განხორციელებას აფერხებს? არაფერი ამართლებს ამ პატრიოტულ ძალთა დანაწილებას სხვა და სხვა განცალკევებულ ორგანიზაციაში; მათ დაყოფვას ჯერ ამდენ პარტიებად და მერე, თვით პარტიის

ფარგალში, ამდენ ცალკულე ჯგუფებად და ქვე-ჯგუფებად და დაბოლოს ამ პატარა-პატარა გუნდების მიერ ერთმანეთის დაუნდობელ წინააღმდეგობას და დამცირებას. ვინ რა უნდა იკმაყოფილებს ამით? ვინ რა საიმოვნებას, ან სარგებლობას ხედავს ამაში? ნუ თუ ვერ ვატყობთ, თუ ეს რა საშინელი სენია შემოპარული ჩვენ სხეულში? ნუ თუ ვერ ვგრძობთ, რომ ამ გზას მივყევართ სრული მორალური და პოლიტიკური არაღქმისაგან, ეროვნული სიკვდილისაგან?! ხომ არავის შეუძლიან სინიღისის ქვეშ ამ მოვლენის საჯარო დაცვა და მოწონება. ხომ არ არსებობს არც ერთი არგუმენტი რიგანი გრძობისა და ამაღლებული გონების რომ ეს „რეჟიმი“ გაამართლოს? მაშ რად არ ვამხელთ აჯაროდ, რად არ ვებრძვით მას? მაშ, რად ვმფარველობთ კერძო-კერძოდ და სიჩუმეში ამ დღეობა-ყოფას? შეუძლებელია, რომ ემიგრაცია ასე გადაუდგეს სინიღისის ხმას და სალი გონების რჩევას. შეუძლებელია, რომ იგი ასე არალეგალურად და ნამალავად სცხოვრობდეს იმ ეროვნულ მოვალეობათაგან, რომელიც მას გარემოებამ დააკისრა!

პატრიოტულ, ეროვნულ ემიგრაციას და არც ერთ მის შეგნებულ წევრს დღეს პარტიულ-პოლიტიკური ამოცანები არ უდგა გადასაჭრელად, არამედ ერთი დიდი ეროვნული პრობლემა — საქართველოს თავისუფლების საკითხი.

პარტიულ კოლონებში ჯდომა და იქ თავის ჩამარტობა კი არ არის საქმე და ჩვენი დროის მოთხოვნებია, არამედ ერთი დიდი ეროვნული მოძრაობის წარმოშობა, შიგ მთელი ხალხის ჩაყენება და ამისათვის ღირსეული კადრისა და მეთაურობის შექმნა — აი ამოცანა! აი ჩვენი მოვალეობა ქვეყნისა და ისტორიის წინაშე.

შევურიგდეთ იმას, რომ ამ საქმეს ჩვენებრ არ იწამებს და მას ჩვენებრ მართლის გულის არ მიჰყვება მარქსიზმის დოგმით შებოჭილი ქართველი, ეს ჩვენი დროის უძლეველი შვილი. მაგრამ პატრიოტები, ნაციონალიტები და საერთოდ ყველა სამშობლოს კულტის აღმსარებელი ქართველი დღეს ერთად უნდა იყოს თავმოყრილი, ერთ ეროვნულ ორგანიზაციაში, ერთი მეთაურობის ქვეშ. ეს იქნება დიდი ისტორიული მნიშვნელობის ნაბიჯი, ორგანიზაციული დასკვნა ქართული ნაციონალიზმის უკანასკნელი წლების გამარჯვებათა, — პირველი ეტაპი სრული ეროვნული ერთობისაგან.

მაშ, შევუდგეთ ამ საქმეს — დრო აღარ ითმენს — და გავხედოთ ღირსნი სამშობლოს ყურადღებისა!

ს. კელია

თომა მასარიკი

ჩეხოსლოვაკიის სენატმა და პარლამენტმა 24 მაისს ჩეხოსლოვაკიის პრეზიდენტად მეთხვეჯერ თომა მასარიკი აირჩია, დღეს უკვე 84 წლის მოხუცი სახელმწიფო კაცი. ჩეხოსლოვაკიის კონსტიტუცია მხოლოდ ორჯერ იძლევა ერთი და იგივე ადამიანის პრეზიდენტად არჩევის უფლებას, მაგრამ გამონაკლისით იგი ამ შეზღუდვას უარსჷყოფს სახელდობრ თომა მასარიკისათვის. რით არის გამოწვეული ასეთი განსაკუთრებული პატივი და თავყანისცემა მთელი ერისა ამ ადამიანის მიმართ?

ამის ახსნა შემდეგ გარემოებაშია: თომა მასარიკი „სამშობლოს განმათავისუფლებელია“; იგი ეროვნული თავისუფლების მოციქული, მისი შემქნელი და განამტკიცებელი პიროვნებაა. დედით ჩეხი, მამით სლოვაკი, თომა მასარიკი ორმაგ შეურაცყოფილად გრძობდა თავის ეროვნულ ღირსებას ჰაბსბურგთა ბატონობისაგან და მას ჯერ კიდევ ომამდე ბრძოლა გამოუტყდა. დაიწყო თუ არა ომი, მასარიკმა გარკვეული პოზიცია დაიჭირა: სამშობლოს განთავისუფლება მან საფრანგეთისა და მის მოკავშირეთა იარაღის ბედზე გადააბა და შეუდგა თავის ერის განთავისუფლების წმიდა მალს საქმეს. გაუტყებელი სიმხნითა და შეურყეველის რწმენით იგი აწყობდა, რაზმავდა და ამოძღვრებდა თავის თანამემამულეებს. შეაჯგუფა ყოველგან უცხოეთში გადმოხიზნული ჩეხები და სლოვაკები და შეაყენა სამშობლოს თავისუფლებისათვის მებრძოლი ლეგიონები. 1915 წელს ნოემბერში, მან გამოსცა თავისი ცნობილი მანიფესტი, სადაც ჩეხი ხალხის მრწამსი იყო გამოთქმული. იგი იყო მეთაური და ხელმძღვანელი იმ ჩეხოსლოვაკური ეროვნული საბჭოსი, რომელიც პარიზში შესდგა 1916 წ. მთელი ომის განმავლობაში მასარიკი იყო ყოველი ჩეხისათვის სამშობლოს ღირსების და თავისუფლების ცოცხალი სიმბოლო. ამაყი და მუდამ თავისუფლების მაძიებელი ჩეხია მასარიკში ხედავდა თავის ნამდვილ ეროვნულ გმირს და მისი ყოველი ხსენება ხალხში საერთო აღფრთოვანებას იწვევდა. ომი გათავდა. ავსტრო-უნგრეთი დაინგრა და მის ნანგრევებზე აღმოცენდა ჩეხოსლოვაკიის რესპუბლიკა 1918 წ. და მის პირველ პრეზიდენტად ჩეხოსლოვაკიის ეროვნულ-რევოლუციონურმა ყრილობამ თომა მასარიკი აირჩია. ორი წლის შემდეგ, როცა კონსტიტუცია უკვე მიღებული იყო და ეროვნული წარმომადგენლობა წესიერად არჩეული, მასარიკმა მოითხოვა ამ უკანასკნელი-საგან მისი პრეზიდენტობის დადასტურება. 1920 წ. მაისში იგი ხელმოწერა იქმნა არჩეული, უკვე შვიდი წლის ვადით, თანახმად კონსტიტუციისა. იგივე განსეირდა მესამეჯერ 1927 წ. და მეთხვეჯერ ამა თვის 24-ს.

მასარიკს სწამდა სამშობლო, იბრძოდა მისი თავისუფლებისათვის, მიზანს კიდევაც მიაღწია. უკვე თექვსმეტი წელიწადია, რაც იგი იშვიათი გამჭირაობითა და სიბრძნით მოუძღვის, დიდ საერთაშორისო გართულებათა შორის, ჩეხოსლოვაკიას. მან ღირსეულად დაიმსახურა სამშობლოს მადლობა და სიყვარული.

მაგრამ და აქ ძალაუფლებურად ვაგონდება ჩვენი სამშობლოს უბედური ბედი! რამდენი პარალელიზმია, მაგრამ რამდენი კონტრასტიც საქართველოსა და ჩეხოსლოვაკიას შორის! 1918 წ. რუსეთის ნანგრევებზე აღორძინდა საქართველოს დამოუკიდებლობა; ისე როგორც აღორძინდა ჩეხოსლოვაკიის დამოუკიდებლობა ავსტროუნგრეთის ნანგრევებზე. მაგრამ საქართველოს მასარიკი არა ჰყოლია!

ნოე ჟორდანიას არა სწამდა ის, რაც სწამდა მასარიკს, ე. ი. თავისი სამშობლო. მას არ უბრძვია საქართველოს თავისუფლების დასამყარებლად, როგორც იბრძოდა მასარიკი ჩეხოსლოვაკიის თავისუფლებისათვის. ჟორდანიას ებრძოდა საქართველოს დამოუკიდებლობას, რაც არასოდეს არ უქნია მასარიკს თავისი ქვეყნის მიმართ. ჟორდანიას იცავდა რუსეთის მთლიანობას და იბრძოდა მისთვის როგორც პირადათ, ისე მთელი მისი შტაბით, როგორც რუსეთში, ისე უცხოეთში; მასარიკი კი ებრძოდა ავსტროუნგრეთს და მის მთლიანობას როგორც შიგნით ისე გარედ. ჟორდანიას რუსეთს ერთგულებას ეფიციებოდა, მასარიკი კი ავსტრო-უნგრეთს ჰანბალის ფიცს უმეორებდა! ჟორდანიას სამშობლოს ეროვნული გმირი კი არ იყო, როგორც მასარიკი, არამედ მისი უძლეველი შვილი და გამოტირებული რენეგატი! ჟორდანიამ საქართველოს დამოუკიდებლობა ძალის-ძალად ჩაიბარა, მასარიკმა — ჩეხოსლოვაკიის დამოუკიდებლობა ბრძო-

ლით აიღო. აშკარაა, ჟორდანიას მას ვერ ულოლოვებდა, ვერ გაუფრთხილებოდა და ვერ დაიცავდა ისე, როგორც მასარიკმა მოუარა და დაიცვა თავის სამშობლოს დამოუკიდებლობა.

რაც ადამიანს თავის არსებაში თვითონ არ მოუშობია რებია, რაც გრძობით არ უგრძვნია და გონებით არ უცვნიას, ის მუდ-

ბ-ნ ნ. ჟორდანიას საუბრადღებოდ

ამ წლის თებერვლის 18-ს, ქართული ასოციაციის თაოსნობით, 1, ბულვარ ედგარ კინე-ზე, შესდგა ყველა პოლიტიკური და ზოგი არა პოლიტიკური დაჯგუფების წარმომადგენელთა საგანგებო კრება*) ამ კრებას უნდა გამოერკვია, თუ რა ზომები უნდა ყოფილიყო მიღებული, რომ წესიერად ჩატარებულიყო ასოციაციის ის სხდომა, სადაც წაკითხული იქნებოდა ე. წ. „გამყრელიძის წერილის“ გამო დაარსებული კომისიის მოხსენება.

ამ კრებაზე, აზრთა გაცვლა-გამოცვლის დროს, ერთმა დამსწრეთაგანმა, სახელდობრ ბ-ნ დავით ვაჩნაძემ, ასოციაციის თავჯდომარის ამხანაგმა და დასახელებული კომისიის წევრმა, განაცხადა: გამყრელიძის წერილის ნამდვილი ავტორი ბ-ნი ნ. ჟორდანიასა და გამყრელიძე კი მხოლოდ იარაღია მის ხელში და სხ. მან ხაზგასმით აღნიშნა, რომ ამ ბრალდებას ის გდებდათ თქვენ, ბ-ნ ნ. ჟორდანიას, სრულიად შეგნებულად.

ბ-ნი დ. ვაჩნაძე ჩვენს ცხოვრებაში ცნობილია, როგორც პოლიტიკური მოღვაწე და მას თვალსაჩინო მდგომარეობა უჭირავს. ამავე დროს ის აკტიური თანამშრომელი იმ ე. წ. „გაერთიანებული ფრონტისა“, რომელსაც თქვენ აძლევთ პოლიტიკურ შინაარსსა და მიმართულებას. რასაკვირველია, ბ-ნ დ. ვაჩნაძეს კარგად ესმის წამოყენებული ბრალდების სიმძიმე და ის პასუხისმგებლობა, რომელიც ამას თანა სდევს. ამავე დროს თქვენ ბრძანდებით საქართველოს ყოფილი მთავრობის თავმჯდომარე და გამყრელიძე კიდევ ის პიროვნებაა, რომელიც ხსენებული კომისიის მიერ მიჩნეულია ბოლშევიკების ჯაშუშად; ხოლო ე. წ. „გამყრელიძის წერილი“, ეს სიყალბეთა და ცილისწამებათა ქსელი, ის წყაროა, რომელმაც მოსწამლა უკანასკნელი ხანის ჩვენი სა-

*) 18-1-34. კრებას დაესწრენ: (ოქმიდან) ბ. ა. არსენიძე, გ. კერესელიძე, შ. ამირაჯიბი, ფ. წულუკიძე, ვიკ. ცხაკაია, დ. ვაჩნაძე, ი. გობჯია, ფ. შარაძე, ს. მენაღარაშვილი, გ. გვაზავა, ვ. წულაძე, გ. ცხაკაია, შ. აბდუშელი, ვ. ნოზაძე და ა. სულხანიშვილი

მივი გვრია მისთვის. საქართველოში ჟორდანიასთვის უცხო და ჟორდანიას — საქართველოსათვის. ჟორდანიას საქართველო უნდა დაეღუპა და დაღუპა კიდევ. სად მასარიკი ჩეხოსლოვაკიისათვის და სად ჟორდანიას საქართველოსათვის!

ზოგადობრივი ატმოსფერა და ერთმანეთს გადაჰკიდა ემიგრაციის სხვა და სხვა წრეები და ჯგუფები.

თქვენ კარგად მოგეხსენებათ, რომ ამ გამყრელიძის პროვოკაციამ საზოგადოებაში დიდი აღშფოთება გამოიწვია და რომ სიმართლის გამოძიებას ხელი მოჰკიდა თვით კოლონიამ; არც ის არის თქვენთვის დაფარული, რომ ეს პროვოკაცია მთლიანად მიმართულია იმ პოლიტიკური ორგანიზაციის წინააღმდეგ, რომელიც ებრძვის თქვენს პოლიტიკას და რომელსაც სპ. კელია მეთაურობს. ამდენი სპეციფიური გარემოების გამო, ამ პროვოკაციას მიეცა სრულიად განსაკუთრებული მნიშვნელობა მთელი ემიგრაციის თვალში. ყველა უაღრესად დაინტერესებულია სიმართლის ცოდნით, ნეიტრალური საზოგადოება ასევე, როგორც თვით დაზარალებული მხარე. ამიტომ ყოველი მოვლენა, რომელიც ამ პროვოკაციას ეხება და ხელს უწყობს იმის გამორკვევას, თუ ვის რა ხელი მიუძღვის მის შემზადებაში, საზოგადოებაში დიდ გამოხმაურებას იწვევს. ამ პირობებში სრულიად გაუგებარია, თუ როგორ მოხდა ის, რომ ბ-ნ დ. ვაჩნაძის განცხადებამ, რომელიც დიდ მიტქმა-მოთქმას იწვევს, თქვენის მხრიდან დღემდის არ მიიღო ჯეროვანი პასუხი.

ჩვენ დავგრძენია ვიფიქროთ, რომ ამ განცხადებას თქვენამდე არ მოუღწევია და ეს მიუხედავად იმისა, რომ ამის მოწმე იყო რამოდენიმე პასუხისმგებელი წევრი სწორედ იმ ორგანიზაციებისა, რომელთაც თქვენ თავმჯდომარეობთ.

თუ ეს ასეა, ჩვენ ვასრულებთ მათგან დავიწყებულ მოვალეობას და გატყობინებთ საქმის ვითარებას. ბ-ნი დ. ვაჩნაძის განცხადების ყრუდ ჩატარება თქვენთვის შეუძლებელი საქმეა.

ჩვენ ვფიქრობთ, რომ ამის შემდეგ და თუ ეს შესაძლებელია, თქვენ მიიღებთ სათანადო ზომებს, რომ გაჰფანტოთ ყოველივე ექთქვენსა და გამყრელიძის შორის რაიმე კავი თქვენსა და გამყრელიძის შორის რაიმე კავშირის შესახებ.

საქართველოს გუშაგი

ბ-ნ სპ. კელიას მოხსენებაზე

ამა თვის ცამეტს „ალიანს ფრანსეზის“ დარბაზში ბ-ნმა სპირიდონ კელიამ საჯარო მოხსენება გააკეთა შემდეგ თემაზე: — „ქართული ნაციონალიზმის სადღისო პროგრამა“.

ჩვენი ვაზეთის რედაქტორს და მის პოლიტიკურ პოზიციას ქართველი საზოგადოება კარგად იცნობს. მას არ სჩვევია კომპრომისები რწმენის ხარჯზე და ეროვნული იდეების დახურდავება. ეს თვისებები უყვარს ემიგრაციის იდეურ ნაწილს და ამიტომ იგი და განსაკუთრებით კი მისი ახალგაზრდობა დიდი ინტერესით მოელოდა ამ მოხსენებას.

უნდა აღინიშნოს, რომ ეს მოხსენება მოკლებული იყო ყოველგვარ ორატორულ მიშველებას და გაიშალა წმინდა აკადემიურ ფორმაში. სჩანდა, რომ მომხსენებლის სურვილი იყო ყოფილიყო სადა და ჩვეულებრივი მუსაიდის კილოზე გადმოეშალა ეროვნულ-პოლიტიკური მნიშვნელობის მპიმე სიუჟეტი.

მომხსენებელმა დაიწყო იმით, რომ ხაზი გაავლო ქართულ და ევროპულ ნაციონალიზმს შორის და გაშალა პირველის თავისებურება საქართველოს ისტორიის მაგალითებზე. მან აღნიშნა, რომ ქართული ნაციონალიზმის მიზანი დღესაც ის არის, რაც ისტორიულად მუდამ ყოფილა. მისი ძირითადი ელემენტები საუკუნიდან საუკუნეზე უცვლელად გადმოდიან, ხოლო მისი განხორციელების მეთოდი იცვლება ეპოქის შინაური და საერთაშორისო მდგომარეობის მიხედვით.

შიგნით საქ. ეროვნ. ერთობის განმტკიცება და გარედ მისი დამაგრება ჰანკავასიურ სივრცეზე ერთი დიდი სახელმწიფოა შესაქმნელად. — აი ქართული ნაციონალიზმის კლასიკური ფორმაო.

საქართველო მუდამ გრძობდა, რომ მისი კულტურული და სახელმწიფოებრ. შემოქმედების მთელი პოტენციის გამოსაჩენად, რომ მისი პიროვნების მთელი საერთაშორისო მნიშვნელობის გამოსამჷლავებ-



ლად, საქირო იყო, როგორც იარაღი, ვაცი-
ლებით მეტი მატერიალური სიმძიმე, ვიდრე
ამას მართო ერთი საქართველოს მიწაწყა-
ლი და დემოგრაფია იძლეოდა, ამიტომაც
საქართველო მუდამ კავკასიის ხელში და-
ქვრას ცდილობდა. ამის ისტორიული დე-
მონსტრაციისათვის ბ-ნმა მომხსენებელმა
თავისი აუდიტორია შორეულ წარულში გა-
დაიყვანა.

აშოტ კურატ პალატიდან დაწყებული,
საქართველოს ეს პანკავკასიური მიდრეკილე-
ბა უკვე მოქცეულია პრაქტიკულ საზრუნავ
საგანთა რკალში, დავით აღმაშენებლის და
თამარ მეფის საქართველო კი ამ იდეის
სრულ და ბრწყინვალე განხორციელებას
წარმოადგენს. ამის შემდეგ კი იწყება საქა-
რთველოს პოლიტიკურ-სახელმწიფოებრივი
დეკადანსი, მსოფლიოს დასაპყრობად აღძ-
რულ ხალხთა რიგ-რიგ თუ წყვილ-წყვილ
შემოსევით გამოწვეული. ნაფლეთებად ქცე-
ული საქართველო იბრძვის კუთხე - კუთხე
ხან ერთი მტრის წინააღმდეგ, ხან მეორის.
მიუხედავად დიდი და თავდადებული მე-
ფეებისა, რომელნიც მას ამ შავ ბნელ დრო-
შიაც არ დაჰკლებიან, საქართველო თავის
მიზანს მაინც ვერ აღწევს, ვერც თითონ გა-
ერთიანდება და ვერც კავკასიას აერთიან-
ნებს. საქართველოს უკანასკნელი დიდი
გვირგვინოსანი — მეფე ერეკლეც ვერა-
ფერს ვახდება. იგი რწმუნდება, რომ საკუ-
თარის ძალით და ტრადიციული თამაშით
სპარსეთ-ოსმალეთის სასწორზე, საქართვე-
ლოს ისტორიული ნაციონალიზმის ამოცა-
ნებს ვერ გადასჭრიდა და რომ ამ გზით დიდ
ქართულ ეპოქას ვერ შექმნიდა. მეორეს
მხრივ, მან დაინახა რუსული იმპერიალიზ-
მის სპარსეთ-ოსმალეთთან ორგანიული და-
პირისპირების შინაგანი აუცილებლობა და
ქართული ნაციონალიზმის ძირითად მოთ-
ხოვნილებას — საქართველოს ისტორიული
ტერიტორიის აღდგენა და თავ-მოყრა
ამ რუსული იმპერიალიზმის ანტისპარსული
და ანტიოსმალურ პოლიტიკას დაუქვემდებარა.
ამისთვის გვირგვინოსანმა თავის სუვერე-

ნულ პერეოგატივაც კი დასთმო.

მეფე ერეკლეს მოლოდინი არ გაუმართ-
ლდა, რუსეთმა საქართველო არ დაინდო
და იგი ეროვნულად გაანადგურა.

დიდი ომის შედეგად რუსეთი დაინგრა,
საქართველო კი მექანიკურად განთავსუ-
ფლდა და მას დაეპატრონა ანტი-ეროვნული
ძალა, მენშევიკების სახით. მის ბელადად
გახდა ის ადამიანი, რომელიც უკანასკნელ
მომენტამდე საქართველოს დამოუკიდებ-
ლობას ებრძოდა. ამ ხელმძღვანელების ხე-
ლში საქართველომ თავი ვერ შეინახა და
რუსეთმა კვლავ დაიპყრო იგი. დღესაც ისე,
როგორც ათას წელთა განმავლობაში, ქარ-
თული ნაციონალიზმის ამოცანები დღის
წესრიგში დგანან და გადაჭრას მოითხოვენ.
შესაქმნელია ქართული ერთობის სიმტკი-
ცე, მოსაპოვებელია საქართველოს თავისუფ-
ლება, ასაშენებელია ქართულ-კავკასიური
სახელმწიფო როგორც საუკეთესო გარან-
ტია ჩვენი და ჩვენი მეზობლების თავისუფ-
ლებისა, როგორც ვრცელი სარბიელი ქარ-
თული შემოქმედებისა.

ამის თანახმად მომხსენებელმა მოითხოვა
ემიგრაციის ფარგლებშიაც ყველა დღეს
დაქსაქსულ ქართულ პატრიოტულ ძალთა
გაერთიანება და ენერგიული თაოსნობა
პანკავკასიური ეროვნული მოძრაობის შე-
საქმნელად. დღეს არც დავით აღმაშენებე-
ლის დროის რესურსები გვაქვს და არც იმ-
დროინდელი საერთაშორისო პირობებია
ჩვენს გარშემო, რომ ქართულ-კავკასიური
ურთიერთობის საკითხი დავით აღმაშენებე-
ლის მეთოდით გადაჭრას. დღეს ეს უნდა
იყოს კავკასიის ხალხთა თავისუფალ ნების
ყოფის აქტი და საქართველო პირველი თა-
ნასწორთა შორის.

აი მოკლედ ბ-ნ სპირიდონ კედიას მოხვე-
ნების შინაარსი.

კამათში მონაწილეობა მიიღეს: ბბ. შ.
ამირაჯიბმა, ნ. ცინცაძემ, გ. კერესელიძემ,
რ. ვაბაშვილმა, ი. გობეჩიამ, ვ. ნოზაძემ, ი.
მანჭავამ, ალ. მანველიშვილმა, გ. ჭაჭია-
შვილმა, დ. ვაშაძემ, შ. კალანდარიძემ და სხ.

ბოლშევიზმი ძალიან მორჩილად შეება
ბურჟუაზიის ურემს. ორი რამ, როგორც
სინამდვილის სულთამხუთავი სიმძიმე ისე
უნდა დასწოლოდა საბჭოთა კავშირს, რომ
მას ეს ნაბიჯი გადაედგა.

ამ ორიდან, ერთი უნდა ყოფილიყო აბ-
სოლუტური რწმენა იმისა, რომ მას იაპო-
ნია უსათუოდ ომს გამოუცხადებდა და
მეორე ისა, რომ ამ ომში საბჭოთა კავშირი
ასევე უსათუოდ დამარცხდებოდა. საბჭო-
თა კავშირი ორივეში აბსოლუტური დარ-
წმუნებულია. ამ საბოლოო რწმენის მიღე-
ბის მომენტიდან, მის წინაშე დაისვა თვით
ფიზიკური არსებობის საკითხი. და წარმო-
იშვა კონფლიქტი მის სექტურ იდეალიზმ-
სა და რეალიზმის კომპრომისულ მოთხო-
ვნილებას შორის. ეს კონფლიქტი პირველის
სრული დამარცხებით ვათავდა და საბჭო-
თა კავშირი ეს ორი წელიწადია, რაც ამ
რეალიზმის ლოლიკას ემსახურება. უნდა
ითქვას, რომ სხეერპლი უმნიშვნელო არ
არის. მოძრაობა და ისეთი, როგორიც ბო-
ლშევიზმი და საბჭოთა კავშირია, განსა-
კუთრებულად დემაგოგიით სარგებლობს.
მის უფიცსა და ხარბ კლიენტურას მართო
ტლანქი ტრაბახი და უაზრო მკვებარობა
იტაცებს და ათრობს. ეს მისი ნამდვილი
ცხოვრების წყაროა. უამისოდ მისი ხანგრძ-
ლივი არსებობა შეუძლებელია. კომპრო-
მისის პოლიტიკამ მას დაუკარგა ამ გემაგო-
გიის უფლება და მოხდა შედეგდურების
გვირგვინი. მეტიც, იგი ჩამოაბრძანა მისი

გაერთიანების წინადადება (გარდა ნ.
ჟორდანიას წრისა) მიიღო საყოველთაო მო-
წონება და თანხმობა.

იმედი გვაქვს, რომ ამ მოხსენებაში წა-
მოყენებულ წინადადებას მოჰყვება პრაქ-
ტიკული განხორციელება და ეს იქნება ერ-
თი უდიდესი ეროვნული მიღწევათაგანი ამ
ჩვენს დაქსაქსულ ემიგრაციაში.

ორიგანი

„ბამჰრელიძის წერილის“ ბარშემომ.

2
ბ-ნ ვაკარის ჩვენებები.

გამყრელიძის წერილის გამოქვეყნებამ
მრავალი საკითხი დააყენა ქართველი ემი-
გრაციის წინაშე. მათ შორის ჩვენ აქ შევე-
ხებით მხოლოდ ორს, რომელთაც დიდ მნი-
შვნელობას ვაკუთვებთ.

პირველი საკითხია: როგორ მოხდა, რომ
რუსეთის ემიგრაციის უდიდესმა და უხუ-
ცესმა ორგანომ „პოსლედნია ნოვოსტი“-მ
თავისი ფურცლები ასე თავზიანად გადა-
უშალა მისთვის უცხო და უცნობი გამყრე-
ლიძის „ნაწარმოებს“ და არამც თუ დაბეჭ-
და, არამედ მას თავისი მეტისმეტად საპა-
სუხისმგებლო ხასიათის წინასიტყვაობაც კი
წაუშმდგარა.

ყველასათვის ცხადი იყო, რომ „პოსლ.
ნოვ.“ ასეთ ნაბიჯს არ გადადგამდა, რომ მას
წინასწარ არ მიიღო მის თვალში ნდობით
აღჭურვილ პირთაგან ამ „წერილის“ შინა-
არსის დადასტურება და მისი უფრო ნომი-
ნალური, ვიდრე ფაქტიური ავტორის კე-
თილი დახასიათება.

აქედან გამომდინარეობს მეორე საკითხი:
ვინ არიან ეს პირები?

ჩვენ ხელთა გვაქვს დღეს საგამომძიებ-
ლო კომისიის დოსიე. გადაჭრით შეგვიძლია
ვსთქვათ, რომ აქ დაგროვილია დიდი და
პირველხარისხოვანი მასალა ქართული ემი-
გრაციის პოლიტიკური ცხოვრების დასახა-
სიათებლად. მართლაც, რომ საზარელი სუ-
რათი იშლება! დაგროვილი მასალა ნათლად
გვიჩვენებს, თუ რა მძიმე შედეგები გამო-
ულია რუსული მწვევიზმის ქართველ მოცი-
ქულთა „მოღვაწეობას“ ჩვენს ისედაც მძი-
მე სინამდვილეში.

მაგრამ დავანებოთ თავი ამ საერთო სა-
კითხს და დავუბრუნდეთ ჩვენს ამოცანას.

საგამომძიებლო კომისიის დოსიეში გან-
საკუთრებულ ყურადღებას იპყრობს ბ-ნ
ვაკარის ჩვენებები. უნდა აღვნიშნოთ, რომ
ხსენებული პირი არის „პოსლ. ნოვ.“-ის თა-
ნამშრომელი, რომელმაც პირადათ მიიღო
და დაბეჭდა „გამყრელიძის წერილი“. აქე-
დან ადვილი წარმოსაუგენია, თუ რა დიდი
მნიშვნელობა აქვს მის მიერ მოცემულ ცნო-
ბებს.

პირველი საკითხის შესახებ ბ-ნი ვაკარი
იძლევა გარკვეულ პასუხს. თავის ჩვენებას
ის იწყებს მოთხრობით, თუ როგორ მივიდ-
ნენ მასთან ერთ დღეს გამყრელიძე და ოდი-
შარია, მიუტანეს პირველის ხელ მოწერი-
ლი წერილი და სთხოვეს მისი დაბეჭდვა, და
შემდეგ განაგრძობს:

„გამყრელიძემ ჩემზე არა-სასურველი შთა-
ბეჭდილება მოახდინა. ასეთივე შთაბეჭდი-
ლება მოახდინა მისმა წერილმა... მე მივიღე
შთაბეჭდილება, რომ წერილის მიზანი იყო
ანგარიშების გასწორება ერთი პოლიტი-
კური ჯგუფის მიერ მეორესთან. ამიტომ გა-
მყრელიძის პიროვნებისა და ის წერილში
მოთავსებული ფაქტებისა და ცნობების სი-
სწორის გაოსარკვევად მე მივმართე ქართ-
ულ კომპეტენტურ წრეებს. ამ წრეებმა მო-
მცეს გაყრელიძის შესახებ კეთილი ცნობები
(„ბლაგოპრიიატნი ოტზივ“), დამიდასტურეს
ზოგიერთი ფაქტები და, დასტოვეს რა მისი
პასუხისმგებლობის ქვეშ დანარჩენ ცნობა-
თა რიგი, არ უარჰყვეს მათი შესაძლებლო-
ბა. მხოლოდ ამის შემდეგ მე გადავწყვიტე
მესარგებლნა მოცემული ხელნაწერით“.

„გამყრელიძის წერილი“-ო, განაგრძობს
ცოტათი ქვემოთ ბ-ნი ვაკარი, „მე მხოლოდ
დავამუშავე ლიტერატურულად და დავტო-

ვე მისი შინაარსი, რომლის შესახებ მივიღე
კომპეტენტური წრეების პირდაპირი, თუ
არა პირდაპირი დასტური“-ო.

მოყვანილი ციტატები იმდენად გარკვე-
ული ხასიათისა არიან, რომ ზედმეტად ხდი-
ან რაიმე განმარტებას. საჭიროა მხოლოდ
აღვნიშნოთ:

რომ „კომპეტენტურ წრეებს“ ჯერ კი-
დეგ გამოქვეყნებამდე სკოდნიათ „გაყრე-
ლიძის წერილის“ არსებობა, სკოდნიათ მი-
სი შინაარსი და აგრეთვე ის გარემოებაც,
რომ „წერილი“ უნდა დაიბეჭდოს;

რომ ამავე დროს, არამც თუ არ გადაუდ-
გამთ არავითარი ნაბიჯი, რათა ეს არ მო-
მხდარიყო, პირიქით, დაუდასტურებიათ
„წერილის“ შინაარსის სიმარლიანობა და
მისი ხელისმომწერის კეთილადამიანობა.

და რომ ასეთი მოქმედებით მათ შეუქნი-
ათ ის პირობა, ურომლისთაც „წერილი“
არ გამოქვეყნდებოდა.

მაგრამ „კომპეტენტური წრეების“ ბორო-
ტმოქმედება გამოიხატება არა მარტო ამა-
ში. ისინი თვით გამოსულან აკტიურად ბ-ნ
ვაკარის წინაშე ცილისმწამებელის როლში.
ამის გასათვალისწინებლად საკმაო მასალას
იძლევა „პოსლედნია ნოვოსტის“ სარედაქ-
ციო წინასიტყვაობა.

ყველამ ვიცით, რომ „გამყრელიძის წე-
რილს“ არ ექმნებოდა არც ის მნიშვნელობა
და არც ისეთი გამოძახილი, რომელიც მან
მიიღო, რომ მას ეს წინასიტყვაობა არ ჰქო-
ნოდა. ამ წინასიტყვაობაში ნათქვამია, რომ
გამყრელიძე „რეგულიარულად აწვდიდა
ცნობებს ქართულ პოლიტიკურ ორგანიზა-
ციებს ბოლშევიკების მოქმედების შესახებ“;

რომ ქართულ პოლიტიკურ პარტიათა გა-
ერთიანებულ ცენტრის მიერ დაარსებულ
კომისიას მოუხდენია სპეციალური გამოკე-

ველური იდეალიზმის სიმალლიდან და დე-
დამიწაზე დაანარცხა. ვაამდამიურა. ბოლ-
შევიზმმა არა მარტო უნდა იწამოს და გა-
იტოლოს ის, ვისაც თავის მოსისხარ მტრად
სახავდა და ვისაც ცეცხლითა და მახვილით
ემუქრებოდა, არამედ მას უნდა ქუდი მო-
უხადოს, რევერანსები გაუკეთოს, დაექი-
რავოს, ემსახუროს კიდევ. ჰოველივე ეს
მძიმეა და ძალიან მძიმეც. ნურვინ იფიქ-
რებს ეს ვოლტფასი ბოლშევიზმს არაფრად
მიაჩნდეს, რომ სხვა დარგში უპრინციპო,
უსირცხვილო და ამორალურ რეჟიმს ეს
აბრუნდი სინიდისს არ უწუხებდეს!

ბოლშევიზმი ამით ჰკარგავს და ჰკარგავს
შეგნებულად იმას, რაც მისთვის ყველაზე
ძვირფასია. რაც მისი გაგებით მისი სინიდი-
სია და მორალი. ეს არის თვითმკვლელობა
საკუთარი ხელით, ეს მისი შერცხვენილი
სიკვდილია... ამას ის კარგად გრძნობს, მა-
გრამ სული ტკბილია და თავის იდეურ სი-
კვდილს ურიგდება. ძალა აღმართის მხვნი-
ლია.

ამის ფასად ამ ორი წლის განმავლობაში
ბოლშევიზმს თვალსაჩინო მიღწევანი ჰქო-
და. ქვეყნად ბევრი გასაჭირია და ბევრი გა-
ჭირვებული. ამიტომ ბოლშევიზმის გამო-
წვეილი ხელი თითქმის არავინ ითაკილა.
იყვენ ისეთებიც, ვინც ამ ხელებს თვითონ
ძებნა დაუწყეს. ბოლშევიზმი ისეა შეშინე-
ბული და სრულიად სამართლიანად, რომ
მისთვის ყველა ერთნაირად საყვარელია,
როგორც დიდი ქვეყანა, ისე პატარაც, და
ყველასთან ერთნაირ მლიქვნელობას იჩენს.
ამ მიმართულებით აღსანიშნავია მისი შარ-
მანდელი პაკტები ბალტიის ქვეყნებთან:
პოლონეთთან, რუმინიასთან, ოსმალეთთან,
იტალიასთან. მისი ურთიერთობის აღდგენა
ამერიკის შეერთებულ შტატებთან და მისი
პაკტი და საგანგებო დაახლოვება საფრან-
გეთთან.

დღეს თუ არა ხვალ ის გახდება თვით
ხალხთა ლიგის წევრი და ამით დასრულ-

ლევა და დაუდასტურებია, რომ გამყრელი-
ძე შეკრული იყო გ. პ. უ.-ს აგენტებთან
„ქართული პოლიტიკური ორგანიზაციის“
წინასწარი განდობით და რომ მან „თავისი
რეგულიარული ინფორმაციით სამსახური
გაუწია ქართულ ეროვნულ საქმეს“. ეს
უკანასკნელი სიტყვები მოთავსებული არის
ბრჭყალეში თვით წინასიტყვაობაში.

იხადება კითხვები: ვინ მისცა რედაქციას
ასეთი დაწვრილებითი და განსაკუთრებული
ხასიათის ინფორმაცია და ვის ეკუთვნის
ბრჭყალეში ჩასმული სიტყვები?

ამ კითხვებზე ბ-ნი ვაკარი იძლევა პირდა-
პირ პასუხს:

„მისი შესავალი (ე. ი. წერილის წინასი-
ტყვაობა) შედგენილია ჩემ მიერ და გამყრე-
ლიძის წერილისა და კომპეტენტურ წრეებ-
თან ბასის მიხედვით. იქ ლაპარაკია პრო-
ვოკატორების შესახებ, მაგრამ დასახელე-
ბულია მხოლოდ ერთი გეგელია და არ არი-
ან დასახელებული X და Z *), რომელთა
გვარებიც არის მოთავსებული გამყრელიძის
ხელნაწერში. ეს მიტომ, რომ კომპეტენტურ-
რმა წრეებმა განმიცხადეს, რომ მათი საკუ-
თარი ცნობების მიხედვით გეგელია არის
პროვოკატორი და რომ ე გარემოება საყო-
ველთაოდ ცნობილი ფაქტია, X და Z-ის
შესახებ კი *) ასეთი განცხადება არ გააკე-
თეს. შესავალში არი ბრჭყალეში მოთავსე-
ბული სიტყვები. ეს სიტყვები მიკარნახეს მე
კომპეტენტურმა წრეებმა და მეც ჩავიწერე
სიტყვა სიტყვით მათი თანდასწრებით. ამი-
ტომაც არიან მოთავსებული ბრჭყალეში“.

*) აქ ბ-ნ ვაკარს ორი სხვა პიროვნება
ჰყავს დასახელებული (კ—.)

* განმეორებულია ამ ორი პიროვნების
სახელი და გვარი. (კ—.)

დებდა მისი საბოლოო კაპიტულიაცია ბურჟუაზიული ქვეყნიერების წინაშე.

ეს მისი ახალი ორიენტაცია და კავშირები არ უქმნებენ და ვერ გააუქმებენ იმ ძალთა იმპერიული მოქმედებას, რომელიც იწვევს რუსეთ-იაპონიის კონფლიქტს. თუ ეს კონფლიქტი მოხდა, საბჭოთა კავშირი მარტო დარჩება, როგორც დარჩა რომანოვების რუსეთი ამ ოც და ათი წლის წინად

იმავე იაპონიისთან ომის დროს.

და ასეთ პირობებში, რასაკვირველია, საეჭვო არ არის, რომ საბჭოთა კავშირი განადგურებული იქნება პირველისავე შეტაკების დროს. სულის წაწყვეტას მისი ხორციელი სიკვდილიც მოჰყვება. ამის მოლოდინში ჩვენ ვუტყდით მოვლენათა განვითარებას.

გარედანი

ამიბრაციაში

ჟურნალი „ბაზაზ“-ი

ამა წლის იანვრიდან პარიზში გამოდის რუსულს ენაზედ ყოველთვიური ჟურნალი „კავკაზი“. ეს ორგანო ეკუთვნის მთიულთა იმ ნაციონალურად მოაზროვნე და მომქმედ წრეს; რომელსაც სათავეში უდგას ბ-ნი პაიდიარ ბამატი, ჟურნალის რედაქტორი. „კავკაზი“ დგას უაღრესად ეროვნული იდეოლოგიის თვალსაზრისზე, იცავს კავკასიის დამოუკიდებლობას და მის კონფედერაციულ სახელმწიფოებრივ ფორმას. ჟურნალი იმიჯნება და უპირდაპირდება იმ თანამემამულეებს; რომლებიც ერთ საერთო ფრონტში დგანან ქართველ მენშევიკებთან და მათ მოკავშირე ჯგუფებთან და ერთად თანამშრომლობენ ე. წ. „კავკასიის დამოუკიდებლობის კომიტეტის“ სახით. „კავკაზ“-ში ბეჭდავენ თავიანთ წერილებს აგრეთვე ადგილობრივნი და ჩვენი თანამემამულენიც — ბბ. მ. წერეთელი, ტ. მარგველაშვილი, შ. ამირაჯიბი, გ. კვინიტაძე და სპ. კელია.

ბ-ნ რევაზ გაბაშვილის მოხსენება

უკანასკნელ დროს პარიზის ქართულ კოლონიაში წაკითხულ იქმნა რამოდენიმე მოხსენება, რამაც ერთგვარი სიციხოვლე შეიტანა ჩვენს ერთფეროვან ცხოვრებაში. ამ მოხსენებათა შორის განსაკუთრებით აღსანიშნავია ბ-ნ რევაზ გაბაშვილის მოხსენება, რომელიც ეხება 1921 წლის საქართველო-რუსეთის ომს.

ქაქუცას საფლავზე

ჩვენი წრისა და შეფიცულთა თაოსნობით ამ სამი წლის წინად, 26 მაისს, მოხდა ქართული საზოგადოების თავმოყრა ჩვენი ეროვნული გმირის ქაქუცას საფლავზე. მაშინ წარმოთქმულ მგრძობიარე სიტყვებში ბ-ნ სპ. კელიამ და ბ-ნ გ. კვინიტაძემ მოუწოდეს საზოგადოებას ყოველ 26 მაისს თავი მოიყაროს დამოუკიდებლობისათვის საუკეთესო

სო მეტროპოლის საფლავზე. ეს მოწოდება კეთილად იქმნა მოსმენილი და მას შემდეგ ყოველწლიურად, საქართველოს დამოუკიდებლობის დღეს, ქართველ საზოგადოება თავს იყრის ამ ადგილას. ამა წლის 26-ს მასისაც საფლავი დიდძალმა ქართველობამ ინახულა. სიტყა წარმოსთქვა ბ-ნმა ალ. ასათიანმა.

არჩილ ჯორჯაძის ხსოვნის დღე

არჩილ ჯორჯაძის გარდაცვალებიდან ოცი წლის თავის აღსანიშნავად პარიზში მყოფ სოც.-დემოკრატულ წრემ მოაწყო საზოგადო კრება. დაესწრენ ყველა წრის წარმომადგენლები. მოხსენებები წაკითხეს ბბ: ს ფირცხალავამ, დ ხარისჭირაშვილმა და ალ შათირიშვილმა.

26 მაისი

პარიზის ქართველთა ასოციაციის გამგეობამ 26 მაისის აღსანიშნავად სენკლუში გამართა საღამო, რომელსაც მრავალი საზოგადოება დაესწრო საღამო კარგად ჩატარდა.

ქართული ბაღი

5 მაისს, საღ. მყოფ ქართველ სტუდენტთა ასოციაციამ ქალბატონ მარიამ კვინიტაძისა და ქბ. კოკეს ხელმძღვანელობით გამართა კონცერტი-ბაღი, რომელიც სინე-წარმოება გომონმა გადაიღო ეკრანზე დ ნაჩვენები იქმნა პარიზის სინემებში.

ქართვილ ინჟინერთა ასოციაცია პარიზში

6 მაისს პარიზში შესდგა ქართველ ინჟინერთა და ტექნიკოსთა საზოგადო კრება. ბ-მა იოსებ გობეჩიამ დამსწრე საზოგადოებას მოახსენა კრების მოწვევის მიზანი. ამ საგანზე აზრთა გაცვლა-გამოცვლის შემდეგ ყრილობამ თავისი თავი გამოაცხადა დამაარსებლად „ქართველ ინჟინერთა ასოციაციისა პარიზში“. ასუციაცია მიზნად ისახავს ა) შეაკავშიროს პროფესიულ ინტერესთა დაცვა-შემოქმედების ნიადაგზე უცხოეთში

მყოფი ქართველი ინჟინერები და მს. პირნი ვინც საზოგადო ტექნიკურ რამ პროფესია მისდევენ.

ბ) შეისწავლოს სხვა და სხვა სამეცნიერო და პრაქტიკულ-ტექნიკური კითხვები.

გ) აცოდინოს თავის წევრებს საქართველო ტექნიკურ-ინდუსტრიალური ცხოვრების ვითარება.

დ) შეისწავლოს საქართველოს საინდუსტრიო განვითარებისა და მის ბუნებრივ სიმდიდრეთა ექსპლოატაციის შესაძლებლობანი.

ე) მიეშველოს თავის წევრებს სამუშაო შოვნაში.

ვ) გამოსცეს ტექნიკურ-პერიოდული ორგანო და

ზ) დაუახლოვდეს და ურთიერთობაში შევიდეს სხვა და სხვა უცხოეთის მზგავს საზოგადოებებთან.

კრებამ აირჩია სამ - წევრიანი გამგეობა ორი კანდიდატი და ორი წევრი კონტროლისა და რევიზიისათვის. გამგეობის თავჯდომარედ არის ბ-ნი ი. გობეჩია, მდივნად ბ-ნი არჩილ ზურაბიშვილი, მოლარედ ბ-ნი აპ. კობახიძე. კანდიდატებად: ბბ. გ. ნოზაძე და კ. ჟურული. რევიზორებად: ბბ. ს. ციციშვილი და ტ. წულაძე. გამგეობას დაევალა მოაწყოს საინფორმაციო და რჩევის მიმკვიში ბიურო იმ ახალგაზრდებისათვის, რომელთაც სურთ საინჟინერო და სატექნიკო დარგში სწავლა-განათლების მიღება. დაბოლოს, კრებამ სთხოვა ბ-ნ იოსებ დადიანს, როგორც ასოციაციის უხუცეს წევრს, გააკეთოს პირველი მოხსენება ასოციაციისა და მის სტუმართა საზოგადო კრებაზე. გამგეობას დაევალა ასოციაციის სტატუტის რევიზორთაგანში გატარება და ბ. ი. დადიანის მოხსენების მოწყობა ამ მოკლე ხანში.

ქართული დრ. დასი პარიზში

პარიზში არსებული დრამატიული დასის მიერ ამ ახლო მომავალში წარმოდგენილი იქნება ბ-ნ შ. ნებეირიძის რეჟისორობით დ. ერისთავის პიესა: „სამშობლო“

აქედან გამომდინარეობს:

რომ პასუხისმგებლობა გეგელიას პროვოკატორად გამოცხადებაში გამყრელიძის გარდა ედება „კომპეტენტურ წრეებს“, რომელთაც თვითონ და „გამყრელიძის წერილისაგან“ განცალკევებულად დაუდვიათ მისთვის ასეთი ბრალი ვაკარის წინაშე და თანაც ყალბი არგუმენტაციით დაუჯერებიათ ეს ადამიანი ბრალდებს სამართლიანობაში;

და რომ „კომპეტენტურ წრეებს“ მიუციონ ბ-ნ ვაკარისათვის ჯაშუშ გამყრელიძის შესახებ ისეთი ცნობები, რომლებიც არამც თუ ჰქნისან, თუ რატომ დაბეჭდა „პოსლედ. ნოვოსტიმ“ „გამყრელიძის წერილი“, არამედ ძალზე ამსუბუქებს მის დანაშაულს.

მოყვანილი მასალა ჩვენ მიგვაჩინა საესებით საკმარისად, რომ გამოვიტანოთ შემდეგი ურყეველი დასკვნა: ეგრედ წოდებულ გამყრელიძე წერილში მოთავსებულ ყალბ ცნობათა და ცილისწამებათა შეთხზვაში და თვით წერილის გამოქვეყნებაში მთავარი ბრალდებულის როლი ეკუთვნის იმ პირთ, ვისაც ბ-ნი ვაკარი უწოდებს „კომპეტენტური წრეების“ სახელს.

გადავიდეთ მეორე საკითხზე: ვინ არიან ეს პირები?

როგორც სჩანს საგამომძიებლო კომისიას პირდაპირ დაუსვამ ეს კითხვა ბ-ნი ვაკარისათვის. აი მისი პასუხი:

„როგორც წინადაც ვითხარით, გამყრელიძის წერილის სარედაქციო წინასიტყვაობაში ბრჭყალებში ჩასმული სიტყვები მე მიკარნახეს და მეც ისინი ჩავიწერე მკარნახებელის თანადასწრებით. ჩვენი, ჟურნალისტების ეთიკა არ მძალევეს საშუალებას დაარ შემიძლია დავასახელო ის პირები, რომ ვასახელო ეს პირი. ამავე მიზეზის გამო მე

მელთაც ვუწოდებ „კომპეტენტურ წრეების“ სახელს. შემიძლიან მხოლოდ გითხრათ, რომ ორივე პიროვნება, რომელთაც მე ვხვდებოდი გამყრელიძის შესახებ „ოტზივისა“ და მისი წერილი შინაარსის შესახებ ცნობების მისაღებად, არიან სავსებით კომპეტენტური და ავტორიტეტული ქართულ ემიგრაციაში არა მარტო, ვთქვათ, რუსული თვალსაზრისით, არამედ ყველა ქართულ დაჯგუფებათა თვალსაზრისითაც.“

ამ სიტყვებიდან სჩანს, რომ ბ-ნი ვაკარი ხვდებოდა ქართულ ემიგრაციაში პოლიტიკურად ძალიან ცნობილ ადამიანებს. ამათ გვარსა და სახელს ის არ ამბობს, მაგრამ ამავე დროს იძლევა გარკვეულ და მეტისმეტად დამახასიათებელ ცნობებს. ექვს გარეშე უნდა ჩაითვალოს, რომ ეს პირები ეკუთვნიან იმ ვიწრო წრეს, რომელსაც უკავია უმძლესი ადგილი ჩვენს პოლიტიკურ იერარქიაში, ე. ი. ე. წ. „პოლიტიკურ ცენტრს“, რომელსაც კიდევ უწოდებენ „საერთო ფრონტს“ და „გაერთიანებულ ცენტრს“.

რომ ხსენებული პირები უნდა ვეძებოთ სწორედ აქ, ამას გვეუბნება თვით ბ-ნი ვაკარიც:

„საერთოდ ჩემი ცნობები მე არ ამიღია „კონდაჩიდან“. დავუხსლოვდი რა ამ საქმეს, მე გამოვარკვიე, რომ ქართულ ემიგრაციას აქვს პოლიტიკური ცენტრი, რომლის სათავეში სდგას ჟორდანია და რომელშიაც შედიან ყველა პარტიათა წარმომადგენლები, — სოციალდემოკრატებისა, სოც.-რევოლუციონერებისა, სოც.-დემოკრატებისა, გვაზავის და ასათიანის ჯგუფთა ნაც.-დემოკრატებისა და რომ მხოლოდ კედისა ჯგუფი იმყოფება ამ ცენტრის გარეშე. მე ვსთვლი, რომ მასალები გეგელიას პროვო-

კატორობის დასამტკიცებლად და საერთოდ გამყრელიძის წერილის შინაარსის შესახებ თქვენ კომისიას (ე. ი. საგამომძიებლო კომისიას (კ—ი) შეუძლია მიიღოს ამ ცენტრისაგან და ამ საქმის გამო თავის დროზე მასთან დაარსებულ კომისიისაგან“.

მეორე ჩვენებაში ბ-ნი ვაკარი კიდევ უფრო ავიწროებს იმ რკალს, რომელშიაც უნდა ვეძებოთ მისი ინფორმატორები.

„თქვენ დამისახელეთ ვგარები თქვენ მიერ დაკითხული ხუთი წევრისა, რომლებიც შედიოდნენ გაერთიანებულ ცენტრის მიერ თავის შემადგენლობიდან გამყრელიძის საქმის გამოსაძიებლად დანიშნულ ორ კომისიაში. ესენი არიან: გვარჯალაძე, ქავთარაძე, ასათიანი, გაბაშვილი და ზურაბიშვილი. ის ორი პიროვნება, რომელთა შესახებ მე ზემოდ ვლაპარაკობ (ე. ი. მისი ინფორმატორები. კ—ი), არ არიან ამათ შორის. მაგრამ კომისიები ხომ დანიშნული იყვნენ გაერთიანებული ცენტრის მიერ. რატომ თქვენ არ დაჰკითხეთ მისი, გაერთიანებული ცენტრის, ხელმძღვანელები, რომლებსაც, ექვს გარეშეა, კომისიები უდგენდნენ თავიანთ ანგარიშს“.

ამ სიტყვების შემდეგ ჩვენ არ შეგვიძლია დამტკიცებულად არ ჩავთვალოთ, რომ ბ-ნი ვაკარის ინფორმატორები და „პოლიტიკური“ თუ „გაერთიანებული ცენტრის“ ხელმძღვანელები ერთი და იგივე პირები არიან. ყველამ კარგად ვიცით, ვისგან შესდგება „გაერთიანებული ცენტრი“, ეს ჩვენი ცხოვრების მოსაწამლავად აშენებული მხოხავთა საბუდარი, მის ხელმძღვანელებსაც ვიცნობთ დიდი ხანია...“

უკვე ყოველისფერი თქმულია და გარკვეული... მაგრამ თითქოს იმისათვის, რომ შეიმსუბუქოს სინილისი ქეჯნა და გამოი-

ყიდოს თავისი მონაწილეობა ამ საზიზღარ საქმეში ბ-ნი ვაკარი განაგრძობს:

„მე გამოვიგზავნეთ თქვენ წერილი, რომელსაც მიიღებთ. კომპეტენტურ წრეებთან ჩემი მოლაპარაკების შედეგების შესახებ შემიძლია გაცნობოთ, რომ, როგორც გამოირკვა, ორივე პირი, რომლებთანაც მე მიხლოდა მოლაპარაკება, იმყოფებიან ვაკანსებზე პარიზის გარედ. ერთი მათგანი ჩამოვა 16 სექტემბერს, მეორე კი — არ არის გამორკვეული სახელდობრ როდის, მაგრამ დაახლოვებით ამავე რიცხვის ახლოს. ყოველ შემთხვევაში 17-18-ზე ადრე მე არ შემეძლება მათთან მოლაპარაკება. ამიტომ შემიძლია ვიქონიო იმედი, რომ მოლაპარაკების შედეგებს შეგატყობინებთ 18-20-ში“.

ეს ვახლავთ ბ-ნი ვაკარისა და საგამომძიებლო კომისიის წევრის ბ-ნი ცხაკაიას შორის მომხდარი ლაპარაკიდან ამოღებული სიტყვები. ლაპარაკის ოქმი დათარიღებული წარსული წლის 5 ენკენისთვით და ხელმოწერილია ორთავს მიერ.

ჩვენ ვიცით ვინ არიან ის პირები, რიცხვით ორი, რომლებიც ამ დროს ვასული იყვნენ საგარაკოდ და იმყოფებოდნენ პარიზის გარედ, ვიცით აგრეთვე, რომელი მათგანი დაბრუნდა პარიზში 15 სექტემბერს საღამოთი და გამოცხადდა თავის „სამმართველოში“ 16 სექტემბერს, და რომელი კიდევ დაბრუნდა „ამავე რიცხვის ახლო დღეებში“, და ამნაირად ორივემ გაამართლეს ვაკარის მიერ მათი ჩამოსვლის შესახებ სანდო წყაროდან, — ჩვენ ისიც ვიცით, თუ საიდან, — მიღებული ცნობები.

მაგრამ ჯერჯერობით არ ვასახელებთ მათ.